



ՀՖՖ ԱԿՈՒՄԲՆԵՐԻ ԱՐՏՈՆԱԳՐՄԱՆ ՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ

2013/2014 մրցաշրջան





TANGO 12

OFFICIAL MATCH BALL

EURO 2012

adidas



ՀՖՖ ԱԿՈՒՄԲՆԵՐԻ ԱՐՏՈՆԱԳՐՄԱՆ ՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ

2013/2014 մրցաշրջան



ՀՖՖ Արտոնագրման բաժին

Օգոստոս 2014թ.



Բովանդակություն

| | |
|---|---|
| Ողջույնի խոսք..... | 4 |
| Գլուխ 1. Արտոնագրման գործընթաց | 5 |
| Գլուխ 2. Հաճախելիություն..... | 5 |
| Գլուխ 3. ՀՖՖ մարզչական դարնթացներ և արտոնագրեր | 5 |
| Գլուխ 4. Մարզիչներ, Ֆուտբոլիստներ և տրանսֆերներ | 5 |
| Գլուխ 5. Մանկապատանեկան մարզադպրոցներ և ծախսեր | 5 |
| Գլուխ 6. Եկամուտներ և ծախսեր..... | 5 |



Հարգելի բարեկամներ,

Անցյալ տարի ՀՖՖ Արտոնագրման բաժինն առաջին անգամ հանդես եկավ ՀՖՖ ակումբների արտոնագրման և վերահսկողության համակարգի 2012/2013 մրցաշրջանն ամփոփող մանրակրկիտ համեմատական վերլուծությամբ, որը, կարծում եմ, բավականին օգտակար եղավ:

Շարունակելով աշխատանքներն այդ ուղղությամբ, այս ընթացքում ՀՖՖ Արտոնագրման բաժնի կողմից ՀՀ Բարձրագույն խմբի ակումբների գործունեության վերաբերյալ կատարվել են բազմակողմանի համեմատական վերլուծություններ: Եվ ահա, այդ վերլուծությունների հիման վրա ՀՖՖ Արտոնագրման բաժինը 2-րդ տարին անընդմեջ հրատարակում է ՀՖՖ ակումբների արտոնագրման համեմատական վերլուծություն-զեկույցը 2013/2014 մրցաշրջանի համար:

Այս անգամ ևս զեկույցը ներառում է ՀՀ Բարձրագույն խմբի ակումբների ներկա կարգավիճակի վերաբերյալ բազմակողմանի, մանրամասն վերլուծություններ և տեղեկատվություն: Աշխատանքում ներառված են այնպիսի ոլորտներ, ինչպիսիք են ակումբների արտոնագրման համակարգը, արտոնագրման արդյունքները, մարզչական որակավորման դասընթացներն ու մարզչական արտոնագրերը, ենթակառուցվածքային չափանիշն ու մանկապատանեկան մարզադպրոցների կարգավիճակը, խաղացողների տրանսֆերներն ու ակումբների ֆինանսական բնութագիրը:

ՀՖՖ-ն հավատարիմ մնալով իր որդեգրած բաց և հրապարակային քաղաքականությանը, շարունակելու է նման զեկույցների հրապարակումները հաջորդ մրցաշրջաններում ևս: Մենք վստահ ենք, որ նմանատիպ վերլուծությունները դրական ազդեցություն են ունենում ֆուտբոլի զարգացման ճանապարհին:

ՀՖՖ Նախագահ

Ռուբեն Հայրապետյան



Հարգելի բարեկամներ,

ՀՖՖ Արտոնագրման բաժինը ձեզ է ներկայացնում ՀՖՖ ակումբների արտոնագրման համեմատական վերլուծության երկրորդ հրատարակությունը 2013/2014 մրցաշրջանի և 2013 ֆինանսական տարվա վերաբերյալ: Այն ամբողջապես վերաբերում է հայկական ակումբային պրոֆեսիոնալ ֆուտբոլին՝ իր մեջ ներառելով ՀՀ Բարձրագույն խմբի ակումբների մասին տեղեկատվություն համեմատական կարգով: Այս փաստաթուղթը հրատարակվում է երկրորդ տարին անընդմեջ և շարունակում է հանդիսանալ ամենամյա սկզբունքով հրապարակվող միակ փաստաթուղթը, որը պարունակում է հայկական ակումբների և հայկական ֆուտբոլի վերաբերյալ ֆինանսական, կառուցվածքային, մարզչական և այլ կարևոր տեղեկատվություն:

Այս զեկույցն իր մեջ ներառում է 2013/2014 մրցաշրջանի և 2013 ֆինանսական տարվա ընթացքում հավաքագրված ողջ տեղեկատվությունից, որոնք ակումբները ներկայացրել են ՀՖՖ ակումբների արտոնագրման գործընթացի շրջանակներում: Այդ առումով մեր խորին շնորհակալությունն ենք հայտնում ՀՀ Բարձրագույն խմբի բոլոր ակումբներին իրենց աջակցության և սույն զեկույցի կազմմանը մասնակցություն ցուցաբերելու համար:

Վստահ ենք, որ ՀՖՖ ակումբների արտոնագրման համեմատական վերլուծություն զեկույցը կոչված է բարձրացնելու և ավելացնելու հայկական ֆուտբոլում առկա թափանցիկության մակարդակը, ինչը հանդիսանում է ՀՖՖ քաղաքականության անկյունաքարերից մեկը:

ՀՖՖ Արտոնագրման բաժնի պետ

Արթուր Ազարյան





Գլուխ 1. Արտոնագրման գործընթաց



Արտոնագրման գործընթաց


ՀՖՖ Ակումբների արտոնագրման համակարգն ու վերահսկողության գործընթացն ամփոփող այս վերլուծությունը նպատակ է հետապնդում ներկայացնել 2013/2014 մրցաշրջանի արտոնագրման ամբողջական գործընթացը: Վերլուծությունն իր մեջ ներառում է ՀՖՖ Ակումբների արտոնագրման համակարգի կարևորագույն սուբյեկտներին՝ ՀՖՖ ակումբներին վերաբերող բազմակողմանի տեղեկատվություն: Վերլուծությունը կատարվել է ՀՖՖ ակումբների կողմից ներկայացված արտոնագրման 5 հիմնական չափանիշներին (մարզական, կադրային և վարչական, իրավական և ենթակառուցվածքային) և դրանցից բխող այլ ոլորտներին վերաբերող տեղեկատվության հիման վրա:

Վերլուծության առաջին գլխում ներկայացված է նախորդ 11 մրցաշրջանների ընթացքում ՀՖՖ Ակումբների արտոնագրման ամբողջ գործընթացն ամփոփող հստակ տեղեկատվություն: Ամփոփ սխեմայի տեսքով ներկայացված է ՀՖՖ Ակումբների արտոնագրման համակարգի վարչակազմի գործընթացի կարգը, վերահսկումը և աջակցությունը: Արտոնագրման գործընթացն իր հերթին բաղկացած է ազգային և ՈՒԵՖԱ-ի արտոնագրերի շնորհումից, ինչը ֆուտբոլային ակումբներին հնարավորություն է ընձեռում համապատասխան արտոնագրի առկայության դեպքում մասնակցել ՀՀ Բարձրագույն խմբի առաջնության և ՈՒԵՖԱ-ի ակումբային մրցաշարերին:

Վերլուծությունը տրամադրում է տեղեկատվություն մեծամասամբ մինչև 2013/2014 մրցաշրջանը և 2013 ֆինանսական տարին ներառյալ, սակայն արտոնագրման բուն գործընթացի մասին գրաֆիկներում ներկայացված է նաև 2014/2015 մրցաշրջանը ներառող տեղեկատվություն: 2014/2015 մրցաշրջանի ազգային և ՈՒԵՖԱ-ի արտոնագրերի շնորհումն արդեն իսկ տեղի է ունեցել, ուստի հարկ համարեցինք այս վերլուծության մեջ ներառել նաև այդ տվյալները, ըստ այդմ, առաջին գլխում ներկայացված արտոնագրման գործընթացի՝ ժամանակային առումով ամենավերջին տվյալները վերաբերում են 2014/2015 մրցաշրջանին:



ՀՖՖ ԱԿՈՒՄԲՆԵՐԻ ԱՐՏՈՆԱԳՐՄԱՆ ՀԱՄԱԿԱՐԳԻ ՎԱՐՉԱԿԱԶՄԻ ԳՈՐԾԸՆԹԱՅԻ ԿԱՐԳԸ, ՎԵՐԱՀԱՄԱԿՈՒՄԸ ԵՎ ԱԶԱԿՑՈՒԹՅՈՒՆԸ





11-րդ անընդմեջ արտոնագրման
մրցաշրջան


8 ազգային արտոնագիր

6 ՈՒԵՖԱ-ի արտոնագիր

0 մերժված արտոնագիր



2004-2014/2015 մրցաշրջանների ՀՖՖ ակումբների ստացած և մերժված ազգային արտոնագրեր



- 11 • Փյունիկ, Բանանց և Միկա ՖԱ-ները ստացան 11-րդ անընդմեջ ազգային արտոնագրերը
- 7 • 7-րդ մրցաշրջանն անընդմեջ չի գրանցվել ազգային արտոնագրի մերժման որևէ դեպք
- 2 • Ալաշկերտ ՖԱ-ն 2-րդ տարին անընդմեջ ստացավ ազգային արտոնագիր



2008-2014/2015 մրցաշրջանների ՀՖՖ ակումբների ստացած և մերժված ՈՒԵՖԱ-ի արտոնագրեր



- 7
 - Փյունիկ, Բանանց և Միկա ՖԱ-ները ստացան 7-րդ անընդմեջ ՈՒԵՖԱ-ի արտոնագրերը
- 5
 - Արարատ ՖԱ-ն 5 ամյա դադարից հետո վերջապես ստացավ ՈՒԵՖԱ-ի արտոնագիր
- 4
 - Մինչ օրս Գանձասար և Շիրակ ՖԱ-ները ստացել են 4-ական ՈՒԵՖԱ-ի արտոնագրեր



Գլուխ 2. Հաճախելիություն



Հաճախելիություն

ՀՖՖ Ակումբների Արտոնագրման Համեմատական Վերլուծություն 2013/2014-ի երկրորդ գլուխը նպատակ է հետապնդում ներկայացնել և վերլուծել 2013/2014 մրցաշրջանի ՀՀ Բարձրագույն խմբի, Առաջին խմբի և Գավաթի խաղարկության բոլոր խաղերի հաճախելիությունն ըստ ակումբների անցկացրած տնային հանդիպումների:


ՀՀ Բարձրագույն խմբի 2013/2014 մրցաշրջանի առաջնության տնային հանդիպումների ընդհանուր հաճախելիությունը կազմել է 75500 հանդիսական, որը չի գերազանցում նախորդ 2012/2013 մրցաշրջանի ցուցանիշը (115410 մարդ), ավելին, նույնիսկ պակաս է 2011 թվականի առաջնության արձանագրած թվաքանակից (80270 մարդ): Առաջնությանը մասնակցած ակումբներից տնային հանդիպումների ամենաբարձր հաճախելիությունը գրանցել է Գանձասար ՖԱ-ն (16850 մարդ), իսկ ամենացածր հաճախելիությունը՝ Ուլիս ՖԱ-ն (3250 մարդ):

ՀՀ Առաջին խմբի 2013/2014 մրցաշրջանի առաջնության մասնակից թիմերի տնային հանդիպումների ընդհանուր թիվը կազմել է 13440 հանդիսական, որը ևս պակաս է նախորդ առաջնությանը հաճախած հանդիսականների թվաքանակից (20025 մարդ): Տնային հանդիպումների հաճախելիությամբ առաջատարն է Գանձասար 2 թիմը, իսկ ետնապահը՝ Շիրակ 2 թիմը՝ ընդամենը 830 հանդիսական:

ՀՀ Գավաթի 2013/2014 մրցաշրջանի խաղարկության հաճախելիությունը նախորդ 2012/2013 մրցաշրջանի խաղարկության համեմատ նվազել է շուրջ 41%-ով, 2012/2013 մրցաշրջանին այն կազմել է 22260 մարդ, իսկ 2013/2014 մրցաշրջանին՝ 13200 մարդ: Ամենացածր հաճախելիությունը եղել է Ուլիս ՖԱ-ի անցկացրած հանդիպումների ժամանակ՝ ընդամենը 150 մարդ, իսկ ամենաբարձրը՝ Գանձասար ՖԱ-ի տնային հանդիպումների ժամանակ՝ 2350 մարդ: ՀՀ Գավաթի 2013/2014 մրցաշրջանի խաղարկության եզրափակիչ հանդիպմանը ներկա է գտնվել 5000 հանդիսական:



2013/2014 մրցաշրջանի ՀՀ Բարձրագույն խմբի առաջնության հաճախելիություն




16850
Փանձասար ՖԱ

3250
Ուլիս ՖԱ



ՀՀ Բրաձրագույն խմբի առաջնությունների հաճախելիություն 2010- 2013/2014 մրցաշրջաններ



2012/2013 մրցաշրջան



115410

2013/2014 մրցաշրջան

75500



2013/2014 մրցաշրջանի ՀՀ Առաջին խմբի առաջնության հաճախելիություն




2170
Գանձասար 2

830
Շիրակ 2



ՀՀ Առաջին խմբի առաջնությունների հաճախելիություն 2010- 2013/2014 մրցաշրջաններ



2012/2013 մրցաշրջան



20025

2013/2014 մրցաշրջան

13440





2013/2014 մրցաշրջանի ՀՀ Գավաթի խաղարկության հաճախելիություն





ՀՀ Գավաթի խաղարկությունների հաճախելիություն 2010 - 2013/2014 մրցաշրջաններ





Գլուխ 3. ՀՖՖ մարզչական դարնթացներ և արտոնագրեր



ՀՖՖ մարզչական դարնթացներ և մարզչական արտոնագրեր


2013/2014 մրցաշրջանը կարելի է համարել անցումային տարի ՀՖՖ կողմից կազմակերպվող մարզչական դասընթացների համար: 2012 թվականին ՀՖՖ Արտոնագրման բաժինն սկսեց ՀՖՖ Մարզչական Պրո արտոնագրի առաջին դասընթացը, որն ընդհաուր առմամբ տևեց 1,7 տարի և ավարտվեց միմիայն 2013 թվականի վերջին: Դասընթացի ավարտից հետո 12 հայ մարզիչներ ստացան ՀՖՖ Պրո կարգի արտոնագրեր:

ՀՖՖ-ն մշտապես նպատակ է հետապնդել առավելագույնս կանոնակարգել և պրոֆեսիոնալ բնույթ հաղորդել իր կողմից կազմակերպվող կամ անցկացվող ցանկացած միջոցառման կամ դասընթացի: ՀՖՖ սահմանած քաղաքականությանը հնարավորինս մոտ կանգնելու համար Արտոնագրման բաժինը նախաձեռնեց և ավարտին հասցրեց «ՀՖՖ Մարզչական կրթության կանոնակարգը» և «ՀՖՖ Մարզչական Բ արտոնագրի ձեռնարկը», որոնք իրենց բնույթի մեջ առաջիններն էին: Այս գրքերը հրատարակելուց հետո միայն Արտոնագրման բաժինը հանձն առավ նախապատրաստվել նոր ձևաչափով մարզչական դասընթացների կազմակերպմանն ու անցկացմանը, որը հստակ նպատակ է հետապնդում բարձրացնելու մարզչական կրթության որակը Հայաստանում:

ՀՖՖ կողմից տրված մարզչական արտոնագրերը գործում են 3 տարի ժամկետով, ուստի մարզչական արտոնագրերի բնականոն գործունեության ժամկետը երկարաձգելու համար կազմակերպվել են մարզչական Բ և Ա արտոնագրերի թարմացման դասընթացներ: Թարմացված մարզչական Բ արտոնագիր է ստացել 22 մարզիչ, իսկ Ա արտոնագիր՝ 6 մարզիչ:



ՀՖՖ Պրո արտոնագրի դասընթաց






Պրո արտոնագիր ստացած 12 հայ մարզիչները և դասընթացի տեխնիկական ղեկավար Ֆլեմինգ Մերրիտսկը







ՀՖՖ Մարզական Բ և Ա արտոնագրի թարմացման դասընթացներ





Արտոնագրման բաժնի հրատարակություններ մարզչական կրթության կազմակերպման համար





Գլուխ 4. Մարզիչներ, Ֆուտբոլիստներ և տրանսֆերներ



Գլուխ 4. Մարզիչներ, Ֆուտբոլիստներ և տրանսֆերներ

ՀՀ Բարձրագույն խմբի առաջնություններին մասնակից ակումբներում մասսայական բնույթ է կրում 1-ին թիմի գլխավոր մարզիչների փոփոխությունները պայմանագրի ժամկետը դեռ չավարտված: 2013/2014 մրցաշրջանի ընթացքում ևս նմանատիպ փոփոխությունները կրել են հաճախակի բնույթ: Ընդհանուր առմամբ 2013/2014 ողջ մրցաշրջանի ընթացքում տեղի է ունեցել գլխավոր մարզչի փոփոխության 6 դեպք: Հաջորդիվ ներկայացված են 2014/2015 մրցաշրջանի ՀՀ Բարձրագույն խմբի առաջնությանը մասնակից ակումբների 1-ին թիմերի գլխավոր մարզիչների պայմանագրերի գործողության ժամկետները: Անվստահության գուրծոնը կրկին մեծ է գրեթե բոլոր ակումբներում: 62% է կազմում մինչև 1 տարվա պայմանագիր ունեցող գլխավոր մարզիչների թիվը: Միաժամանակ նշված գլխավոր մարզիչների 50%-ը ունի մարզչական Պրո արտոնագիր:


Դիտարկվել է նաև 2013/2014 մրցաշրջանի ՀՀ Բարձրագույն և Առաջին խմբի առաջնություններին ակումբների թիմերի կազմում հանդես եկած ֆուտբոլիստների թվաքանակը: 2013/2014 մրցաշրջանի ՀՀ Բարձրագույն խմբի առաջնությանը մասնակցել է 306 ֆուտբոլիստ: Ամենաշատ թվով ֆուտբոլիստներ հանդես են եկել Ալաշկերտ ՖԱ 1-ին թիմում՝ 49 ֆուտբոլիստ, իսկ ամենաքիչ թվով ֆուտբոլիստներ՝ Փյունիկ ՖԱ-ի 1-ին թիմում՝ 31 ֆուտբոլիստ:

2013/2014 մրցաշրջանի ՀՀ Առաջին խմբի առաջնությանը մասնակցել է 300 ֆուտբոլիստ: Հանդես եկած ֆուտբոլիստների թվով առաջատարը կրկին Ալաշկերտ ՖԱ-ն է: Ալաշկերտ 2-ում հանդես են եկել 47 ֆուտբոլիստներ, իսկ ամենաքիչ թվով ֆուտբոլիստներ՝ Բանանց 3-ում՝ 24:


Վերլուծության այս գլխում ներկայացված է նաև 2012/2013 և 2013/2014 մրցաշրջանների ՀՀ Բարձրագույն խմբի առաջնությունների ընթացքում կատարված տրանսֆերային առք և վաճառքի ընդհանուր գումարը: 2013/2014 մրցաշրջանի ընթացքում ՀՀ Բարձրագույն խմբի առաջնությանը մասնակից թիմերի ընդհանուր տրանսֆերային ակտիվությունը որպես առք կազմել է 6,5 միլիոն ՀՀ դրամ, որպես վաճառք՝ 85,5 միլիոն ՀՀ դրամ: Տրանսֆերային համեմատաբար ցածր ակտիվությունը բացատրվում է այն հանգամանքով, որ ակումբները հիմնականում հանդես են գալիս սեփական մարզադպրոցների կադրերով:



Գլխավոր մարզիչների պայմանագրերի տևողություն




Գլխավոր մարզիչների ունեցած արտոնագրեր






2013/2014 մրցաշրջանի ՀՀ Բարձրագույն խմբի առաջնությանը մասնակցած ֆուտբոլիստներ



- 49 • Ալաշկերտ
- 31 • Փյունիկ
- 38 • Միջին թվաբանական




2013/2014 մրցաշրջանի ՀՀ Առաջին խմբի առաջնությանը մասնակցած ֆուտբոլիստներ



- 47 • Ալաշկերտ 2
- 24 • Բանանց 3
- 33 • Միջին թվաքանակ



2012/2013 և 2013/2014 մրցաշրջանների ընթացքում կատարված տրանսֆերներ (առք և վաճառք)



Առք
6,5 միլիոն
դրամ

Վաճառք
85,5 միլիոն
դրամ



Գլուխ 5. Մանկապատանեկան մարզադպրոցներ և ծախսեր



Մանկապատանեկան մարզադպրոցներ և ծախսեր


ՀՖՖ որդեգրած քաղաքականության հիմնաքարերից մեկը մանկապատանեկան ֆուտբոլի զարգացումն է: ՀՀ ողջ տարածքում և ԼՂՀ-ում առկա են մանկապատանեկան տարբեր տարիքային խմբերի թիմեր, որոնք մասնակցում են ՀՖՖ տարբեր տարիքային խմբերի առաջնություններին: Սակայն ոչ բոլոր մարզերում են գործում ֆուտբոլի մասնագիտացված մարզադպրոցներ:

Խոշոր մարզադպրոցներ են գործում Շիրակի (Շիրակ ՖԱ-ի հովանու ներքո գտնվող ֆուտբոլային մարզադպրոցը և նորակառույց ՀՖՖ ֆուտբոլի ակադեմիան) և Սյունիքի (Գանձասար ՖԱ-ի հովանու ներքո գտնվող ֆուտբոլային մարզադպրոցը) մարզերում: Երևանում են գործում ՀՖՖ ֆուտբոլի ակադեմիան, Փյունիկ, Բանանց և Միկա ակումբներին պատկանող մանկապատանեկան մարզադպրոցները: ՀՖՖ մյուս ակումբները ևս ունեն մանկապատանեկան թիմեր, սակայն դեռևս ընթացքի մեջ են մարզադպրոցներ հիմնադրելու, բարվոք ենթակառուցվածքներ ունենալու գործընթացները: Միաժամանակ ՀՖՖ-ն լայնածավալ աշխատանքներ է սկսել 2 նոր ֆուտբոլային ակադեմիաներ կառուցելու ուղղությամբ Լոռու և Տավուշի մարզերում:

ՀՖՖ Ակումբների արտոնագրման կանոնակարգի (2013թ. խմբագրություն) պարտադիր պահանջներից է հանդիսանում մանկապատանեկան ֆուտբոլի զարգացման համար տարվող աշխատանքները: Այս կապակցությամբ ակումբները ներկայացնում են ակումբի որդեգրած մանկապատանեկան ֆուտբոլի զարգացման ծրագիր և պատրաստակամություն են հայտնում իրագործել այդ ծրագրերի պահանջները: Որպես արդյունք ակումբները ներկայացնում են տարեկան հաշվետվություն կատարված և չկատարված աշխատանքների վերաբերյալ: Ըստ այդմ 2013 ֆինանսական տարվա ընթացքում մանկապատանեկան ֆուտբոլի զարգացման համար կատարած ծախսերով առաջատարն է Բանանց ՖԱ-ն, որը վերակառուցել և վերջնական ավարտի է հասցրել ամբողջ մարզադպրոցը: Մարզադպրոցի վերանորոգման, արհեստական խոտածածկով խաղադաշտի կառուցման հսկայածավալ աշխատանքներ է կատարել նաև Գանձասար ՖԱ-ն: Վերանորոգման աշխատանքներ են ընթացել կամ ընթացքի մեջ են նաև Փյունիկ, Ալաշկերտ, Արարատ ՖԱ-ներում: 2013 ֆինանսական տարվա ընթացքում մանկապատանեկան ֆուտբոլի զարգացման համար կատարած ծախսերով հետնապահ դիրքում են գտնվել ՈՒՂԻՍ և Արարատ ՖԱ-ները:



Մանկապատանեկան ֆուտբոլի զարգացման համար կատարված ծախսեր ըստ ակումբների



Գծաստկերում ներկայացված չէ Ալաշկերտ ՖԱ-ի կողմից մանկապատանեկան ֆուտբոլի զարգացման համար կատարված ծախսերը, քանի որ ակումբը չի տվել իր համաձայնությունը հրապարակելու վերոնշյալ տեղեկատվությունը: Բոլոր արժեքները ներկայացված են ՀՀ դրամով:



Գլուխ 6. Եկամուտներ և ծախսեր



Եկամուտներ և ծախսեր

ՀՖՖ ակումբները ֆինանսական տարվա ավարտից հետո անցնում են ՀՖՖ Ակումբների արտոնագրման կանոնակարգի (2013թ. խմբագրություն) ֆինանսական չափանիշի պահանջներին համապատասխան ֆինանսական աուդիտ: Ֆինանսական չափանիշի հիմնական պահանջներից է համարվում ակումբների տարեկան ֆինանսական հաշվետվության ներկայացումը, որն իր մեջ ներառում է ակումբի եկամուտների և ծախսերի մասին հաշվետվության երկայացումը:


Համաձայն ՀՖՖ Ակումբների արտոնագրման կանոնակարգի ֆինանսական չափանիշի պահանջների՝ ակումբների կատարած ծախսերը ներկայացվում են որպես 4 հիմնական բնույթի ծախսեր՝ ծառայությունների և նյութերի արժեքներ, աշխատավարձեր և սոցիալական հարկեր, մաշվածություն և ամորտիզացիա և այլ գործառնական ծախսեր: Ակումբների ստացած դրամական միջոցները ներկայացվում են որպես եկամտի 5 հիմնական մուտքեր՝ ՈԻԵՖԱ-ից ստացած համերաշխության գումարներ, հովանավորություն և գովազդ, հեռարձակում, կոմերցիոն և այլ գործող եկամուտներ:

2013 ֆինանսական տարվա եկամուտների և ծախսերի մասին հաշվետվություն են ներկայացրել 2013/2014 մրցաշրջանի ՀՀ Բարձրագույն խմբի առաջնությանը մասնակից բոլոր ակումբները: Հաշվետվություն ներկայացրած 8 ակումբներից միայն Ուլիս ՖԱ-ն չի ներկայացրել միջազգային չափանիշներով աուդիտ անցած հաշվետվություն, ուստի ՈԻԻս ՖԱ-ի ներկայացրած տեղեկատվության ճշգրտության աստիճանը չենք կարող միանշանակ համարել:

Հաջորդիվ ներկայացված են եկամուտների և ծախսերի մասին մանրամասն հաշվետվություն՝ համաձայն եկամուտները և ծախսերը ներառող կետերի: Թե՛ եկամուտների և թե՛ ծախսերի դեպքում ներկայացված են առավելագույն և նվազագույն արդյունքները տոկոսային հարաբերակցությամբ:



Ծախսեր 2013 ֆինանսական տարի



Փյունիկ 66,87%

Գանձասար 93,2%

Բանանց 45%

Ալաշկերտ 44,39%

Շիրակ 0,7%


Փյունիկ 8,15%

Ալաշկերտ 0,066%

Գանձասար 0,11%



Եկամուտներ 2013 ֆինանսական տարի





*2013 ֆինանսական տարվա ընթացքում ակումբները չեն ունեցել որևէ եկամուտ հեռարձակումից:

| | | | |
|----------------|-----------------|--------------|-----------------|
| Գանձասար 65,4% | Ալաշկերտ 46,18% | Արարատ 99,2% | Ուլիս 74,88% |
| Միկա 3,2% | Արարատ 0,7% | Բանանց 16,9% | Գանձասար 0,036% |



Հաշվապահական հաշվեկշիռ 2013 ֆինանսական տարի



- 1,7% • Արարատ
- 0,72% • Շիրակ
- 50% • Բոլոր ակումբները



Գրքում օգտագործված են Հակոբ Բերբերյանի (HAKBER) լուսանկարները, բոլոր իրավունքները պաշտպանված են:



Հեղինակ՝ Ամալյա Գրիգորյան, ՀՖՖ Արտոնագրման բաժնի պետի տեղակալ

«ՀՖՖ ԱԿՈՒՄԲՆԵՐԻ ԱՐՏՈՆԱԳՐՄԱՆ ՀԱՄԵՄԱՏԱԿԱՆ ՎԵՐԼՈՒԾՈՒԹՅՈՒՆ 2013/2014» - ի ստեղծմանը նպաստել են

- Արմեն Մինասյան, ՀՖՖ Առաջին փոխնախագահ և Գործադիր տնօրեն, ՀՖՖ Ակումբների արտոնագրման համակարգի նախագծի ղեկավար

ՀՖՖ Արտոնագրման բաժին՝

- Արթուր Ազարյան, ՀՖՖ Արտոնագրման բաժնի պետ
- Ղազար Հակոբջանյան, ՀՖՖ Արտոնագրման բաժնի մասնագետ, ՀՖՖ Մարզչական կրթության ծրագրի համակարգող
- Տիգրան Վարդանյան, ՀՖՖ Արտոնագրման բաժնի մասնագետ, ֆինանսական փորձագետ





ՀՖՖ Արտոնագրման բաժինն իր խորին շնորհակալությունն է հայտնում ՀՀ Բարձրագույն խմբի առաջնությանը մասնակից բոլոր ակումբներին արտոնագրային այս 11 մրցաշրջանների ընթացքում իրենց ցուցաբերած պատրաստակամության և համագործակցության համար:



ՀԱՅԱՍՏԱՆԻ ՖՈՒՏԲՈՒԼԻ ՖԵԴԵՐԱՅԻԱ

Արտոնագրման բաժին
Իսանջյան 27
Երևան, 0010, Հայաստան
Հեռ.՝ +37410541069
Ֆաքս՝ +37410547173
Էլ. փոստ. licensing@ffa.am
Պաշտոնական կայք՝ www.ffa.am